



479.fundur Þingvallanefndar

Miðvikudagur 11.nóvember 2020

Kl.11:30 Fjarfundur um tölvu.

Mættir: Ari Trausti Guðmundsson, Vilhjálmur Árnason, Guðmundur Andri Thorsson, Líneik Anna Sævarsdóttir, Karl Gauti Hjaltason og Hanna Katrín Friðriksson.

Páll Magnússon boðaði forföll.

Einnig sátu fundinn Þjóðgarðsvörður Einar Á. E. Sæmundsen og Fanney Einarsdóttir sem ritaði fundargerð.

Formaður setur fund.

Dagskrá:

1. Kynning á rekstraráætlun 2021. Gestur: Hildur Hafsteinsdóttir fjármálastjóri.

Þjóðgarðsvörður og fjármálastjóri kynna helstu áherslur í rekstraráætlun 2021 sem send hefur verið inn til umhverfis- og auðlindaráðuneytisins til samþykktar. Umræða um tekjur og útgjöld ársins 2020 og 2021. Þjóðgarðsvörður ítrekar að ein megin forsenda fyrir rekstraráætlun ársins 2021 er að útkomuhalli ársins 2020 verði lagaður með fjárukalögum.

Þjóðgarðsvörður vekur athygli á að helmingur tekna þjóðgarðsins fyrir árið 2021 eru enn háðar óvissu þar sem faraldurinn virðist síst í rénun og mun hafa áhrif á sértekjur þjóðgarðsins. Karl Gauti óskar eftir að sjá samanburð á helstu lykiltölum milli ára 2019 og 2020.

2. Starfið og framkvæmdir í þjóðgarðinum.

Þjóðgarðsvörður sýnir með myndum að enginn er á ferli dag eftir dag í þjóðgarðinum. Gríðarlegur munur á ferðamannafjölda og álagi á Þingvelli síðan að faraldurinn hófst. Tíminn er þó nýttur til framkvæmda og undirbúnings.

Á undanförunum mánuðum hefur verið unnið að bættum innviðum raforku í Þingvallasveit og innan þjóðgarðsins. Rarik hefur unnið að því að koma raflögnum í jörðu og samhliða því hafa verið sett niður ljósleiðararör. Undanfarnar vikur hefur verið unnið að því að hálfu Bláskógaljóss frá sveitarfélaginu Bláskógabyggð að koma ljósleiðara inn á tengistaði. Verður það mikil breyting í

netöryggi þar sem þjóðgarðurinn hefur undanfarin ár reitt sig á 4G samband við allar tengingar í þjóðgarðinum.

Framkvæmdir við salernishús eru komnar vel á veg og eru salernishúsin komin á alla þrjá staði á Þingvöllum. Bætast þá við 25 salerni á mikilvæga staði þar sem vantað hefur aðstöðu. Nú er unnið að lokafrágangi við húsin innan og utan meðal annars lagnir og annað. Húsin verða öll komin í notkun fyrir vorið 2021 en stefnt er að því að eitt þeirra verði opið í vetur.

Fjallað um uppbyggðan göngustíg sem fer um syðri hluta búðasvæðisins. Unnið hefur verið að því verkefni með Minjastofnun og er tilgangurinn að gera fornleifar svæðisins aðgengilegri og sýnilegri um leið og svæðið verður gert aðgengilegt hreyfihömluðum. Verkefnið er hluti af átaksverkefnum ríkisstjórnarinnar vegna Covid-19 faraldursins.

Umræða um fornleifarannsóknir í kjölfarið og er Þingvallanefnd fylgjandi frekari fornleifarannsóknum innan þingstaðarins forna.

Þingvallanefnd þakkar fyrir kynninguna.

3. Önnur mál

Fundi slitið